

Zavod za informatiku i statistiku Kantona Sarajevo (u dalnjem tekstu: Zavod), sa sjedištem u ulici Reisa Đzemaludina Čauševića 1, 71000 Sarajevo, kojeg zastupa direktor, mr. Dino Šehović, (u dalnjem tekstu: Osiguranik)
Identifikacioni broj: 4200662290002
Poreski broj: 01078614
Transakcijski račun broj: 3389002208333632 kod UniCredit Bank d.d. Mostar

i

ASA Osiguranje d.d. Sarajevo, sa sjedištem u ulici Trg međunarodnog prijateljstva 25, 71000 Sarajevo, kojeg zastupa direktor, Feđa Morankić (u dalnjem tekstu: Osiguravač)
Identifikacioni broj: 4201261240009
Transakcijski račun broj: 1346101000166141 ASA BANKA d.d. Zenica,

kao Ugovorne strane, dana 14.04.2020. godine zaključuju

UGOVOR O KOLEKTIVNOM OSIGURANJU RADNIKA

PREDMET I VAŽENJE UGOVORA

Član 1.

Predmet Ugovora o kolektivnom osiguranju radnika (u dalnjem tekstu: Ugovor) je pružanje usluga:

- kolektivnog osiguranja radnika Zavoda od posljedica nesretnog slučaja (nezgode) za vrijeme rada i u slobodno vrijeme, tokom 24 (dvadesetčetiri) sata bez vremenskog i prostornog ograničenja;
- kolektivno osiguranje radnika Zavoda se vrši prema uslovima Ponude Osiguravača, broj: N41 1010000425, od 14.04.2020. godine.

Ponuda za kolektivno osiguranje radnika Zavoda je sastavni dio Ugovora.

Član 2.

Opći i Dopunski uslovi za osiguranje lica od posljedica nesretnog slučaja/nezgode, Izmjene i dopune Općih uvjeta za osiguranje od posljedica nesretnog slučaja/nezgode i Tablice za određivanje postotka trajnog invaliditeta kao posljedice nesretnog slučaja/nezgode, čine sastavni dio ovog Ugovora.

Osiguravač se obavezuje da će u skladu s uslovima prihvaćene ponude isključiti primjenu tzv. "karence".

Član 3.

Ugovorena premija osiguranja iznosi 4,95 KM mjesečno po radniku Zavoda, dok ukupna premija za radnike Zavoda za ugovoren period iznosi 1.069,24 KM.

KOLEKTIVNO OSIGURANJE ZAPOSLENIKA

Član 4.

Osiguranje po ovom Ugovoru pokriva posljedice nesretnog slučaja-nezgode za: smrt uslijed bolesti, smrt uslijed nezgode i invalidnosti, nastalih nad svim radnicima Zavoda pojedinačno.

Osigurani slučaj podrazumijeva iznenadni, nepredviđeni i od volje radnika Zavoda nezavisni događaj koji se desi za vrijeme rada i u slobodno vrijeme, tokom 24 (dvadesetčetiri) sata bez vremenskog i prostornog ograničenja, tj. Osiguravač se obavezuje da će Osiguraniku isplatiti naknadu štete ako štetni događaj ima za posljedicu:

Smrt uslijed bolesti	5.000,00 KM,
Smrt uslijed nezgode/nesretnog slučaja	85.000. 00 KM,
Trajna invalidnost	178.000. 00 KM.

Za kolektivno osiguranje radnika Zavoda od posljedica nezgode/nesretnog slučaja izdat će se polica osiguranja u kojoj se navodi broj osiguranih osoba i isti čini sastavni dio ovog Ugovora.

Spisak s brojem i imenima radnika Zavoda pripremit će Osiguranik i isti dostaviti Osiguravaču.

PRAVA I OBAVEZE UGOVORNIH STRANA

Član 5.

Osiguranik se obavezuje:

- dostaviti odmah broj i spisak radnika Zavoda (brojno stanje);
- u slučaju nastupa osiguranog slučaja poduzeti sve mjere u okviru mogućnosti za zaštitu radnika Zavoda;
- nakon nastupa osiguranog slučaja obavijestiti Osiguravača o istom, uz dostavu svih podataka kojima raspolaže, a koji se odnose na utvrđivanje uzroka osiguranog slučaja;
- ukoliko dođe do eventualne promjene broja radnika Zavoda, Osiguranik je dužan odmah Osiguravaču dostaviti podatke o promjenama na osnovu kojeg će Osiguravač izdati fakturu.

Osiguravač se obavezuje:

- na osnovu pripremljenog i dostavljenog spiska izraditi i uručiti policu osiguranja;
- obavijestiti Osiguranika o svim promjenama koje mogu uticati na uslove osiguranje radnika Zavoda;
- isplatiti nastalu štetu ODMAH, a najkasnije u roku ne dužem od 30 (trideset) dana, od momenta kompletiranja dokumentacije potrebne za utvrđivanje pravne osnovanosti i visine odštetnih zahtjeva.

USLOVI I NAČIN PLAĆANJA

Član 6.

Plaćanje ugovorene premije osiguranja iz ovog Ugovora će se vršiti na sljedeći način:

- Osiguravač će Osiguraniku ispostaviti fakturu, u skladu s izdatom policom osiguranja do cijelokupnih iznosa osiguranja iz ovog Ugovora;
- Osiguranik se obavezuje da ugovorenu premiju osiguranja do cijelokupnog iznosa plati najdalje u roku od 60 (šezdeset) dana od dana ispostavljanja fakture.

Član 7.

Ovaj Ugovor se zaključuje za period od 12 (dvanaest) mjeseci.

Ukoliko se jedna od Ugovornih strana ne pridržava odredbi ovog Ugovora, druga strana ima pravo na jednostrani raskid ovog Ugovora pisanim putem uz otkazni rok od 30 (trideset) dana.

Ugovorne strane će nastojati svaki spor iz Ugovora ili u vezi s izvršavanjem istog, riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao pravne posljedice koje iz toga proističu, konačno će se riješiti pred nadležnim Općinskim sudom u Sarajevu.

Član 8.

Ovaj Ugovor je sastavljen u 4 (četiri) primjerka, od čega svaka od Ugovornih strana zadržava po 2 (dva) primjerka.

Osiguranik:

mr. Dino Šehović
DIREKTOR

Broj: 26-11-1008/20
Datum: 27.04.2020



Osiguravač:

ASA osiguranje d.d. Sarajevo

Feda Morankić
DIREKTOR

Broj: 520/20/40/519/R4/157
Datum: 21.04.2020.

